



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ

ՀՐԱՄԱՆ

No 425-Ա/2

«22» մարտի 2024 թ.

**«ԳԻՏԱԿԱՆ ԱՐԴՅՈՒՆԱՎԵՏՈՒԹՅԱՆ ԽԹԱՆՄԱՆ ԴՐԱՄԱՇՆՈՐՀԱՅԻՆ
ԾՐԱԳԻՐ - 2025» ՄՐՑՈՒՅԹ ԿԱԶՄԱԿԵՐՊԵԼՈՒ, ՄՐՑՈՒՅԹԻ ՀԱՅՏԱՐԱՐՈՒԹՅԱՆ
ՏԵՔՍՏԸ ԵՎ ՀՐԱՎԵՐԻ ՓԱԹԵԹԸ ՀԱՍՏԱՏԵԼՈՒ ՄԱՍԻՆ**

Ղեկավարվելով «Գիտական և գիտատեխնիկական գործունեության մասին» օրենքի 23-րդ հոդվածի 6-րդ մասով և հիմք ընդունելով Հայաստանի Հանրապետության կառավարության 2001 թվականի նոյեմբերի 17-ի N 1122 որոշմամբ հաստատված «Գիտական և գիտատեխնիկական գործունեության պայմանագրային (թեմատիկ) ֆինանսավորման կարգի» 3-րդ կետը՝

ՀՐԱՄԱՅՈՒՄ ԵՄ

- Կազմակերպել «Գիտական արդյունավետության խթանման դրամաշնորհային ծրագիր - 2025» մրցույթ (այսուհետ՝ մրցույթ):
- Հաստատել՝
 - մրցույթի հայտարարության տեքստը՝ համաձայն հավելված N 1-ի,
 - մրցույթի հրավերի փաթեթը՝ համաձայն հավելված N 2-ի:
- Սույն հրամանի կատարման հսկողությունը հանձնարարել Բարձրագույն կրթության և գիտության կոմիտեի նախագահ Սարգիս Հայրոջյանին:

ՆԱԽԱՐԱՐ՝

Ժ. ԱՆԴՐԵԱՍՅԱՆ

ՀԱՅՏԱՐԱՐՈՒԹՅՈՒՆ

«ԳԻՏԱԿԱՆ ԱՐԴՅՈՒՆԱՎԵՏՈՒԹՅԱՆ ԽԹԱՆՄԱՆ ԴՐԱՄԱՇՆՈՐՀԱՅԻՆ ԾՐԱԳԻՐ - 2025» ՄՐՑՈՒՅԹԻ

Հայաստանի Հանրապետության կրթության, գիտության, մշակույթի և սպորտի նախարարության բարձրագույն կրթության և գիտության կոմիտեն հայտարարում է «Գիտական արդյունավետության խթանման դրամաշնորհային ծրագիր - 2025» **մրցույթ**:

Մրցույթն ուղղված է գիտական նախագծերի իրականացման արդյունավետության խթանմանը:

Մրցույթին մասնակցելու հայտ ներկայացվում է Բարձրագույն կրթության և գիտության կոմիտեի մրցույթների հայտերի և հաշվետվությունների ընդունման համակարգով (<https://grants.hesc.am>)՝ մինչև 2024 թվականի մայիսի 17-ը ներառյալ: Հայտի ուղարկման հնարավորությունն արգելափակվում է Երևանի ժամանակով ժամը 18:00-ին:

Մրցույթի հրավերի փաթեթը գետեղված է Բարձրագույն կրթության և գիտության կոմիտեի պաշտոնական ինտերնետային կայքում՝ www.hesc.am:

Մրցույթի վերաբերյալ լրացուցիչ տեղեկություններ և խորհրդատվություն կարելի է ստանալ Բարձրագույն կրթության և գիտության կոմիտեի ծրագրերի իրականացման վարչության հետազոտական ծրագրերի բաժնից՝ զանգահարելով 010-210-140 (*113):

ՀՐԱՎԵՐ

«ԳԻՏԱԿԱՆ ԱՐԴՅՈՒՆԱՎԵՏՈՒԹՅԱՆ ԽԹԱՆՄԱՆ

ԴՐԱՄԱՇՆՈՐՀԱՅԻՆ ԾՐԱԳԻՐ - 2025»

ՄՐՑՈՒՅԹԻ

I. ԸՆԴՀԱՆՈՒՐ ԴՐՈՒՅԹՆԵՐ

1. Մրցույթը

- 1.1. «Գիտական արդյունավետության խթանման դրամաշնորհային ծրագիր - 2025» մրցույթն (այսուհետ՝ **Մրցույթ**) անցկացվում է համաձայն Հայաստանի Հանրապետության կրթության, գիտության, մշակույթի և սպորտի նախարարի (այսուհետ՝ **Նախարար**) 2024 թվականի մարտի 22-ի N 425-Ա/2 հրամանի:
- 1.2. **Մրցույթը** կազմակերպում է Հայաստանի Հանրապետության կրթության, գիտության, մշակույթի և սպորտի նախարարության բարձրագույն կրթության և գիտության կոմիտեն (այսուհետ՝ **Կոմիտե**)՝ առաջնորդվելով Հայաստանի Հանրապետության կառավարության 2001 թվականի նոյեմբերի 17-ի N 1122 որոշմամբ հաստատված «Գիտական և գիտատեխնիկական գործունեության պայմանագրային (թեմատիկ) ֆինանսավորման կարգով»:
- 1.3. **Մրցույթն** ուղղված է գիտական նախագծերի իրականացման արդյունավետության խթանմանը:
- 1.4. **Մրցույթն** իրականացվում է գիտական և գիտատեխնիկական գործունեության բոլոր բնագավառներով և մասնագիտություններով (**Հավելված N 2.1**):
- 1.5. **Մրցույթին** մասնակցելու համար անհրաժեշտ է ներկայացնել հայտ (այսուհետ՝ **Հայտ**), որը ներառում է գիտական նախագիծ (այսուհետ՝ **Նախագիծ**) և պահանջվող այլ փաստաթղթեր/տվյալներ:
- 1.6. **Նախագիծը** (**Հավելված N 2.2**) պետք է լինի մրցունակ, հեռանկարային և իրագործելի:
- 1.7. **Մրցույթի** շրջանակներում ներկայացվող հրապարակումները պետք է ընդգրկված լինեն միջազգային գիտատեղեկատվական շտեմարաններում («Science Citation Index

Expanded (SCIE)», «Social Sciences Citation Index (SSCI)», «Emerging Sources Citation Index (ESCI)», «Arts&Humanities Citation Index (AHCI)», **կամ** Web of Science գիտատեղեկատվական հարթակի գրքի հղման ինդեքսի (Book Citation Index) հրատարակիչների ցանկում ներառված հրատարակչությունների կողմից հրատարակված գրքի գլուխ կամ հոդված ժողովածուում, **կամ** «Scimago Journal & Country Ranking» պորտալի առնվազն Q4 քառորդ, իսկ գիտաժողովի նյութերի դեպքում՝ առնվազն Q2 քառորդին համարժեք SJR ինդեքս (SCImago Journal Rank Indicator) ունեցող պարբերականում (այսուհետ՝ **ՄԳՇ**), իսկ մենագրությունը, կոլեկտիվ մենագրությունը կամ գիտական աշխատությունը (այսուհետ՝ **Մենագրություն**) պետք է ունենա առնվազն 5 տպագրական մամուլ և հրատարակված լինի Web of Science գիտատեղեկատվական հարթակի գրքի հղման ինդեքսի (Book Citation Index) հրատարակիչների ցանկում ներառված հրատարակչությունում:

1.8. **Մրցույթի** հրավերի փաթեթը սահմանում է դրան դիմելու ընթացակարգը, չափանիշները, **Հայտերի** գնահատման փուլերը և շահառու **Հայտերի** ֆինանսավորման ու հաշվետվողականության ընթացակարգը:

2. Նպատակը

2.1. **Մրցույթի** նպատակներն են.

- բարելավել գիտական արդյունքների որակը,
- նպաստել գիտական գործունեության արդյունքների միջազգայնացմանը,
- բարձրացնել երիտասարդ հետազոտողների և ասպիրանտների ներգրավվածությունը գիտական և գիտատեխնիկական գործունեության մեջ,
- բարելավել գիտական միջավայրը,
- խթանել միջազգային համագործակցությունը՝ ներգրավելով սփյուռքի և արտերկրի գիտական ներուժը,
- նպաստել նոր գիտական խմբերի ձևավորմանը և գործող գիտական խմբերի ամրապնդմանը:

3. Ժամկետները

3.1. **Նախագծի** իրականացման տևողությունը 36 ամիս է:

3.2. **Մրցույթին** առցանց դիմելու վերջնաժամկետը 2024 թվականի մայիսի 17-ն է:
Կոմիտեի հայտերի և հաշվետվությունների ընդունման առցանց համակարգում

(grants.scs.am, այսուհետ՝ **Համակարգ**) **Հայտերի** ուղարկման հնարավորությունը կարգելափակվի Երևանի ժամանակով ժամը 18:00-ին:

- 3.3. Թղթային տարբերակով **Կազմակերպության** ներկայացուցչի կողմից **Կոմիտե** ներկայացվող փաստաթղթերի վերջնաժամկետը 2024 թվականի մայիսի 24-ն է:
- 3.4. **Մրցույթի** արդյունքում ֆինանսավորման երաշխավորված **Նախագծերի** ֆինանսավորման մեկնարկը նախատեսվում է 2025 թվականի հունվար ամսից:
- 3.5. **Նախագծերի** ֆինանսավորման համար պայմանագրերը կնքվում են **Մրցույթի** արդյունքները հրապարակելուց հետո՝ 10-օրյա ժամկետում:
- 3.6. Հաշվետվությունների ներկայացման վերջնաժամկետն է ֆինանսավորման մեկնարկից հետո յուրաքանչյուր 12-րդ ամսվա վերջին աշխատանքային օրը:
- 3.7. **Նախագիծն** իրականացվում է պայմանագրում նշված ժամկետներում:

4. Գիտահետազոտական խումբը

- 4.1. **Նախագիծը** մշակում և իրականացնում է 3-5 անդամից բաղկացած գիտահետազոտական խումբը (այսուհետ՝ **խումբ**), որը կազմված է **Խմբի** ղեկավարից (այսուհետ՝ **Խմբի ղեկավար**) և կատարողներից (այսուհետ՝ միասին՝ **Խմբի անդամներ**):
- 4.2. **Խմբի անդամները Հայտ** ներկայացնելու փուլում կարող են լինել ինչպես Հայաստանի Հանրապետության, այնպես էլ օտարերկրյա քաղաքացիներ:
- 4.3. **Խմբի անդամները Նախագծի** իրականացման ընթացքում պետք է հանդիսանան Հայաստանի Հանրապետության քաղաքացիներ կամ ռեզիդենտներ, ինչպես նաև **Նախագծի** իրականացման ընթացքում բնակվեն Հայաստանի Հանրապետությունում:
- 4.4. **Խումբը** պետք է ունենա օտարերկրյա գործընկեր (այսուհետ՝ **Գործընկեր** (Foreign Partner; Collaborator)):
- 4.5. **Խմբի** անունից հանդես է գալիս միայն **Խմբի ղեկավարը**:

5. Խմբի ղեկավարը

- 5.1 **Հայտը** ներկայացնում է **Խմբի ղեկավարը**:
- 5.2 **Խմբի ղեկավար** կարող է լինել այն անձը, ով՝
 - ծնվել է 1954 թվականի հունվարի 1-ից հետո,
 - ունի գիտական աստիճան:

5.3 Հայաստանի Հանրապետության պետական բյուջեի գիտական և գիտատեխնիկական գործունեության բազային ֆինանսավորման որևէ ծրագրում ընդգրկված **Խմբի** ղեկավարը **Հայտ** պետք է ներկայացնի բազային ֆինանսավորման ծրագիր իրականացնող որևէ կազմակերպության կողմից:

5.4 **Խմբի ղեկավարը** պատասխանատու է **Խմբի** կազմավորման և **Նախագծի** իրականացման հաջող ընթացքի համար:

6. Խմբի անդամները

6.1. **Խմբի անդամները Հայտ** ներկայացնելու փուլում կարող են լինել ինչպես Հայաստանի Հանրապետության, այնպես էլ օտարերկրյա քաղաքացիներ:

6.2. **Խմբի անդամները Նախագծի** իրականացման ընթացքում պետք է հանդիսանան Հայաստանի Հանրապետության քաղաքացիներ կամ ռեզիդենտներ, ինչպես նաև **Նախագծի** իրականացման ընթացքում բնակվեն Հայաստանի Հանրապետությունում:

6.3. **Խմբի անդամներից** առնվազն երկուսը պետք է ծնված լինեն 1989 թվականի հունվարի 1-ից հետո և կարող են լինել բակալավրիատի առնվազն երրորդ կուրսի ուսանողներ: Նշված տարիքային շեմը կարող է բարձրանալ.

- զինված ուժերում ծառայած լինելու դեպքում՝ 2 տարով,
- երեխայի խնամքի արձակուրդում գտնված լինելու դեպքում՝ յուրաքանչյուր երեխայի համար՝ 1 տարով:

6.4. **Խմբի** կատարողները կարող են լինել **Նախագծի** գիտական և գիտատեխնիկական բնագավառին առնչվող մասնագիտությամբ բակալավրիատի առնվազն առաջին կուրսի ուսանողներ, եթե դպրոցական առարկայական օլիմպիադայի հանրապետական փուլում 11-րդ կամ 12-րդ դասարաններում արժանացել են առնվազն երրորդ կարգի դիպլոմի:

6.5. **Խմբի անդամները** չեն կարող ընդգրկվել **Մրցույթին** ներկայացված մեկից ավելի **Հայտերում**:

6.6. **Խմբի անդամները** չեն կարող ընդգրկվել **Մրցույթին** ներկայացված **Հայտում**, եթե հանդիսանում են հետևյալ մրցույթների շահառուներ.

- «Առաջատար հետազոտությունների աջակցության գիտական թեմաների հայտերի ընտրության մրցույթ» (2021 թ.),

- «Հայաստանի Հանրապետության գիտական համայնքին արտերկրի գիտնականների ինտեգրմանն աջակցության ծրագիր» (2022 թ.; 2023 թ.; 2024 թ.),
- «Հեռավար լաբորատորիաների հիմնադրման ծրագիր» (2022 թ.; 2023 թ.; 2024 թ.),
- «Գիտական խմբերի կամ լաբորատորիաների (բաժինների) ամրապնդմանն աջակցություն - 2023 թ.»:

6.7. **Խմբի անդամները** չեն կարող հանդիսանալ **Մրցույթի** շահառուներ, եթե արդեն իսկ հանդիսանում են ներքոնշյալ մրցույթներից երկուսի շահառու՝ միաժամանակ.

- Փորձարարական մշակումների նախագծերի հայտերի ընտրության մրցույթ (2023 թ.),
- Երկակի նշանակության ծրագրերի աջակցության գիտական թեմաների հայտերի ընտրության մրցույթ (2023 թ.; 2023/2 թ.),
- «Հեռանկարային ուղղություններով հետազոտական նախագծեր 2024» մրցույթ,
- «Հասարակական գիտությունների, հայագիտության և հումանիտար գիտությունների բնագավառներում հետազոտություններ - 2024» մրցույթ,
- «Կին ղեկավարների առաջխաղացմանն ուղղված ծրագիր 2024» մրցույթ:

7. Օտարերկրյա գործընկերը (Գործընկերը)

7.1. **Խումբը** պետք է ունենա օտարերկրյա գործընկեր (Գործընկեր):

7.2. **Գործընկեր** կարող է լինել այն անձը, ով՝

- ունի գիտական աստիճան,
- **Նախագծին** առնչվող մասնագիտությամբ զբաղվում է գիտահետազոտական գործունեությամբ արտերկրի առաջատար հետազոտական կազմակերպությունում:

7.3. **Գործընկերոջ** Հիրշի ինդեքսը (h-index)՝

Հավելված N 2.1-ի «1-5» բնագավառների մասնագիտություններով պետք է լինի առնվազն 10՝ ըստ «Scopus» (<https://www.scopus.com/freelookup/form/author.uri>) գիտատեղեկատվական շտեմարանի տվյալների,

Հավելված N 2.1-ի «6» բնագավառի մասնագիտություններով պետք է լինի առնվազն 3 կամ վերջին 5 տարիների ընթացքում տվյալ ուղղությամբ **Գործընկերը** պետք է ունենա առնվազն 4 գիտական հրապարակում **ՄԳՇ-ում** կամ 1 **Մենագրություն**:

- 7.4. **Գործընկերը** չի հանդիսանում **Խմբի** անդամ և նրա համար աշխատանքի վարձատրություն չի նախատեսվում:
- 7.5. **Գործընկերը Խմբի ղեկավարին** է տրամադրում մասնագիտական ինքնակենսագրությունը (CV) և հաստատող նամակը (Confirmation Letter), որով հավաստում է, որ ծանոթ է **Նախագծի** բովանդակությանը և իր գործառույթների շրջանակին, համաձայն է մասնակցել հետազոտական աշխատանքներին և նախատեսվող համատեղ գիտափորձերին, քննարկումներին, սեմինարներին և այլ միջոցառումներին: Վերոնշյալ փաստաթղթերը **Գործընկերն** իր պաշտոնական էլեկտրոնային փոստի հասցեից ուղարկում է նաև grants@hesc.am էլեկտրոնային փոստի հասցեին:
- 7.6. **Նախագծի** իրականացման ողջ ժամանակահատվածում (36-ամսյա հաշվարկով) **Գործընկերը** և **Խմբի անդամները** պետք է գումարային առնվազն 20 օր գտնվեն կամ **Խմբի ղեկավարի**, կամ **Գործընկերոջ** կազմակերպությունում:
- 7.7. **Գործընկերը** չի կարող ընդգրկվել **Մրցույթին** ներկայացված երկուսից ավելի **Հայտերում**:

8. Կազմակերպությանը ներկայացվող պահանջները

- 8.1. **Նախագծի** իրականացման վայր հանդիսացող կազմակերպությունը պետք է լինի Հայաստանի Հանրապետությունում գիտական և գիտատեխնիկական գործունեություն իրականացնող հաստատություն (այսուհետ՝ **Կազմակերպություն**):
- 8.2. **Կազմակերպությունը, Նախագծի** իրականացման ընթացքում, ապահովում է **Խմբի անդամների** հասանելիությունը առկա ենթակառուցվածքներին և սարքավորումներին:
- 8.3. **Կազմակերպությունը** աջակցում է **Նախագծի** իրականացմանը:
- 8.4. **Կազմակերպությունը Խմբի ղեկավարին** տրամադրում է **Կազմակերպության** գիտական ուղղություններին **Նախագծի** համապատասխանությունը, կարևորությունը և արդիականությունը հիմնավորող՝ **Կազմակերպության** (բուհի ֆակուլտետի) գիտական խորհրդի եզրակացություն: Եթե **Կազմակերպությունը** չունի գիտական խորհուրդ, ապա ներկայացվում է տվյալ բնագավառի Հայաստանի Հանրապետության որևէ այլ հանրային գիտական կազմակերպության գիտական խորհրդի եզրակացությունը:

- 8.5. Ծախսերի նախահաշվի (այսուհետ՝ **Նախահաշիվ**), «Այլ ծախսեր» հոդվածի «Վերադիր ծախսեր» ենթահոդվածով նախատեսված ֆինանսական միջոցներով **Կազմակերպության** ղեկավարն ապահովում է **Կազմակերպության** (բուհի գիտական մասի) գործունեությունը և ստեղծում **Նախագծի** կատարման համար անհրաժեշտ պայմաններ:
- 8.6. **Նախագծի** իրականացման համար անհրաժեշտ սարքերը, նյութերը և ծառայությունները ձեռք են բերվում «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:
- 8.7. Ձեռք բերված սարքերն ու սարքավորումները ներառվում են **Կազմակերպության** հաշվեկշռում, տնօրինման իրավունքը պատկանում է **Կազմակերպությանը**՝ հետագայում ևս կանոնադրական նպատակներով օգտագործման (գիտական և գիտահետազոտական աշխատանքների իրականացման) համար:
- 8.8. **Նախագիծը** ֆինանսավորման երաշխավորվելուց հետո **Կազմակերպության, Կոմիտեի և Խմբի ղեկավարի** միջև կնքվում է գիտական և գիտատեխնիկական գործունեության պայմանագրային թեմաների իրականացման համար պետության կողմից դրամաշնորհի ձևով տրամադրվող ֆինանսական աջակցության գումարների օգտագործման մասին պայմանագիր (այսուհետ՝ **Պայմանագիր**):

9. Ակնկալվող արդյունքները

9.1. **Նախագծի** ավարտին Խմբի անդամները պետք է ունենան.

Հավելված N 2.1-ի «1-5» բնագավառների մասնագիտություններով.

- առնվազն 2 գիտական հրապարակում **ՄԳՇ**-ում,

Հավելված 2.1-ի «6» բնագավառի մասնագիտություններով.

- առնվազն 1 գիտական հրապարակում **ՄԳՇ**-ում,
- կամ 1 **Մենագրություն**:

9.2. **Նախագծի** շրջանակներում իրականացված հետազոտության արդյունքները հրապարակելիս որպես աշխատավայր (affiliation) անհրաժեշտ է նշել **Կազմակերպությունը և Կոմիտեի** կողմից ստացված ֆինանսավորման մասին.

- *The research was supported by the Higher Education and Science Committee of MESCS RA (Research project № _____)*

Ուշադրություն. Համապատասխան նշման բացակայության դեպքում հրապարակումը չի համարվի Նախագծի իրականացման արդյունք, հետևաբար՝ չի ընդունվի հաշվետվության մեջ:

- 9.3. **Նախագծի** իրականացման ընթացքում **Խմբի անդամները** պետք է ապահովեն **Նախագծի** կամ գիտության տվյալ բնագավառի վերաբերյալ գիտահանրամատչելի նյութերի ստեղծում և հանրայնացում (հարցազրույցներ, հրապարակումներ գիտահանրամատչելի ամսագրերում, տեսանյութերի ստեղծում և տարածում, լայն լսարանի համար քննարկումների կազմակերպում և այլն), որոնք հաշվի կառնվեն ամփոփիչ հաշվետվությունն ընդունելու մասին եզրակացություն տալիս:
- 9.4. Սույն հրավերի «9.1.» ենթակետում նշված պայմանը չկատարելը/կատարելը կանդրադառնա հետագայում **Կոմիտեի** հայտարարած մրցույթներին **Խմբի** անդամների ընդգրկմամբ հայտի գնահատականի վրա՝ դրանից հանելով/գումարելով տվյալ մրցույթում հայտի առավելագույն գնահատականի 5 տոկոսի չափով միավոր՝ **Խմբի ղեկավարի** ընդգրկված լինելու դեպքում և 1 տոկոսի չափով միավոր՝ **Խմբի** կատարողներից յուրաքանչյուրի դեպքում: Հանրագումարում կհանվի/կգումարվի տվյալ մրցույթում հայտի առավելագույն գնահատականի ոչ ավելի, քան՝ 5 տոկոսի չափով միավոր: Հետագա մրցույթներին ներկայացվելիք հայտի գնահատականի նվազեցումը կչեղարկվի սույն հրավերի «9.1.» ենթակետով նախատեսված պայմանը բավարարելու մասին **Կոմիտե** ներկայացված տեղեկատվության հիման վրա:

II. ՀԱՅՏԻ ԼՐԱՑՄԱՆ ԵՎ ՆԵՐԿԱՅԱՑՄԱՆ ԸՆԹԱՑԱԿԱՐԳԸ

10. Հայտ և անհրաժեշտ փաստաթղթեր ներկայացնելը

- 10.1. **Հայտը** լրացնում և ներկայացնում է **Խմբի ղեկավարը՝ Կոմիտեի** հայտերի և հաշվետվությունների առցանց համակարգի (*այսուհետը՝ **Համակարգ**, grants.hesc.am*) միջոցով: **Հայտի** ուղարկման վերջնաժամկետը 2024 թվականի մայիսի 17-ն է (**Հայտերի** ուղարկման հնարավորությունն արգելափակվում է Երևանի ժամանակով ժամը 18:00-ին):
- 10.2. **Համակարգի** միջոցով **Հայտն** ուղարկելուց հետո **Խմբի ղեկավարը** թղթային տարբերակով **Կազմակերպություն** է ներկայացնում հետևյալ փաստաթղթերի փաթեթը.

- **Համակարգում** ձևավորված և ծածկագիր ստացած **Հայտի** տիտղոսաթերթը և **Նախահաշիվը**, ինչպես նաև **Համակարգում** ինքնաշխատ եղանակով կազմված **Խմբի ղեկավարի** դիմումը,
- գիտական խորհրդի համապատասխան եզրակացությունը (Board Conclusion),
- **Գործընկերոջ** մասնագիտական ինքնակենսագրությունը (CV) և հաստատող նամակը (Confirmation Letter),
- **Խմբի** անդամների ասպիրանտ կամ ուսանող հանդիսանալու դեպքում՝ համապատասխան տեղեկանքները, որտեղ նշված են մասնագիտությունը և ուսուցման տարին,
- տարիքային շեմը բարձրացնելու համար՝ զինվորական գրքույկի պատճենը կամ երեխայի խնամքի արձակուրդի մասին համապատասխան փաստաթղթի պատճենը:

10.3. Անհրաժեշտության դեպքում կարող են պահանջվել այլ փաստաթղթեր:

10.4. **Կազմակերպության** ներկայացուցիչը (գիտական քարտուղար կամ այլ պատասխանատու անձ) մինչև 2024 թվականի մայիսի 24-ը ներառյալ, մեկ ընդհանուր փաթեթով, **Կազմակերպության** ղեկավարի գրությամբ (**Հավելված N 2.3**), աշխատանքային ժամերին **Կոմիտե** է ներկայացնում **Կազմակերպության** կողմից ներկայացված բոլոր **Հայտերի** փաթեթները՝ առձեռն (Օրբելի եղբայրների փողոց 22, 7-րդ հարկ, 708 սենյակ):

10.5. **Մրցույթի** վերաբերյալ լրացուցիչ տեղեկատվություն և խորհրդատվություն կարելի է ստանալ **Կոմիտեից** (հեռախոս՝ (010) 210140 (ներքին 113), էլեկտրոնային փոստի հասցե՝ scexpert@hesc.am):

Ուշադրություն. Կոմիտեն քննարկման է ընդունում միայն Համակարգի կողմից ձևավորված և ծածկագիր ստացած Հայտերը: Հայտերը, որոնք չեն ուղարկվել վերը նշված ընթացակարգով և ժամկետներում, քննարկման ենթակա չեն:

11. Նախահաշվի կազմությունը

11.1. **Նախահաշիվը** կազմված է «Աշխատանքի վարձատրություն» և «Այլ ծախսեր» հոդվածներից: «Այլ ծախսեր» հոդվածը բաղկացած է «Սարքեր, նյութեր և ծառայություններ», «Գործուղումներ» և «Վերադիր ծախսեր» ենթահոդվածներից:

11.2. Ֆինանսավորման առավելագույն չափը կարող է լինել՝

- 5 անդամից բաղկացած **Խմբի** համար՝ 22,500.0 հազար (քսաներկու միլիոն հինգ հարյուր հազար) դրամ,

- 4 անդամից բաղկացած **խմբի** համար՝ 18,900.0 հազար (տասնութ միլիոն ինը հարյուր հազար) դրամ,
- 3 անդամից բաղկացած **խմբի** համար՝ 15,300.0 հազար (տասնհինգ միլիոն երեք հարյուր հազար) դրամ,

11.3. **Նախահաշվի** «Աշխատանքի վարձատրություն» հողվածում **խմբի անդամների** աշխատանքի ամսական վարձատրության (ներառյալ հարկերը և այլ պարտադիր վճարները) միջին հաշվարկային չափը պետք է ընդունել մինչև 100.0 հազար (մեկ հարյուր հազար) դրամ: Աշխատանքի վարձատրության համար հատկացված առավելագույն 36-ամսյա գումարը չպետք է գերազանցի.

- 5 անդամից բաղկացած **խմբի** համար՝ 18,000.0 հազար (տասնութ միլիոն) դրամ,
- 4 անդամից բաղկացած **խմբի** համար՝ 14,400.0 հազար (տասնչորս միլիոն չորս հարյուր հազար) դրամ,
- 3 անդամից բաղկացած **խմբի** համար՝ 10,800.0 հազար (տասը միլիոն ութ հարյուր հազար) դրամ,

11.4. Աշխատանքի վարձատրության գումարը սույն հրավերի «11.3.» ենթակետով չափից պակաս նախատեսելու դեպքում՝ տարբերությունը կարելի է օգտագործել **Նախահաշվի** «Այլ ծախսեր» հողվածում:

11.5. **Գործընկերը** չի հանդիսանում **խմբի անդամ** և նրա համար աշխատանքի վարձատրություն չի նախատեսվում:

11.6. **Նախահաշվի** «Այլ ծախսեր» հողվածի «Սարքեր, նյութեր և ծառայություններ», «Գործուղումներ» և «Վերադիր ծախսեր» ենթահողվածներով 36 ամսվա համար կարելի է նախատեսել առավելագույնը 4,500.0 հազար (չորս միլիոն հինգ հարյուր հազար) դրամ: Այս գումարը կարող է ավելանալ սույն հրավերի «11.4.» ենթակետով առաջարկվող տարբերության չափով:

11.7. **Նախահաշվի** «Այլ ծախսեր» հողվածի «Վերադիր ծախսեր» ենթահողվածով (36 ամսվա համար) կարող է նախատեսվել մինչև 300.0 հազար (երեք հարյուր հազար) դրամ:

11.8. **Նախահաշվի** «Այլ ծախսեր» հողվածի «Սարքեր, նյութեր և ծառայություններ» ենթահողվածով կարող են նախատեսվել գիտական սարքավորումների, հետազոտությունների ընթացքում օգտագործվող նյութերի կամ ծառայությունների ձեռքբերման ծախսեր: Ծառայությունների մատուցման պայմանագիր կարող է

կնքվել միայն իրավաբանական անձանց հետ՝ նախապես համաձայնեցնելով **Կոմիտեի** հետ:

- 11.9. Գիտական սարքերի և սարքավորումների ձեռքբերումը չի կարող նախատեսվել **Նախագծի** իրականացման վերջին տարում:
- 11.10. **Նախահաշվի** «Այլ ծախսեր» հոդվածի «Գործուղումներ» ենթահոդվածով նախատեսվող գումարը կարող է օգտագործվել **Նախագծի** իրականացման ընթացքի կամ արդյունքների ներկայացման նպատակով միջազգային գիտաժողովներին մասնակցության համար, ինչպես նաև **Գործընկերոջ** և **Խմբի անդամների** փոխադարձ այցելությունների ծախսերը հոգալու համար:
- 11.11. Գործուղումների օրապահիկը և գիշերավարձը հաշվարկելիս անհրաժեշտ է առաջնորդվել Հայաստանի Հանրապետության կառավարության 2005 թվականի դեկտեմբերի 29-ի N 2335-Ն որոշմամբ:
- 11.12. **Նախահաշվում** բոլոր ենթահոդվածների ծախսերը պետք է հիմնավորել **Նախահաշվի** մեկնաբանության մեջ:
- 11.13. **Հայտի** քննարկման ընթացքում **Նախահաշվի** հիմնավորվածությունը և բաշխումը կարող են լրամշակվել **Խմբի ղեկավարի** համաձայնությամբ:

III. ՀԱՅՏԵՐԻ ՔՆՆԱՐԿՈՒՄԸ ԵՎ ԳՆԱՀԱՏՈՒՄԸ

12. Հայտերի համապատասխանությունը Մրցույթի պայմաններին

- 12.1. **Կոմիտեն** ստուգում է՝
 - **Հայտերի** համապատասխանությունը **Մրցույթի** հրավերի պայմաններին,
 - Բեալի ցանկերում (*Beall's list, <https://beallslit.net/>*) ներառված կեղծ կամ «գիշատիչ» հրատարակչություններում և պարբերականներում հրատարակված հրապարակումների առկայությունը **Հայտում**:
- 12.2. **Հայտը չի քննարկվում, եթե՝**
 - չի պարունակում բոլոր անհրաժեշտ փաստաթղթերը,
 - չի բավարարում **Մրցույթի** հրավերի պայմաններին,
 - բովանդակությամբ համընկնում է Հայաստանի Հանրապետության պետական բյուջեից ֆինանսավորվող կամ ֆինանսավորված որևէ այլ նախագծի հետ:
- 12.3. Ստուգման արդյունքները տրամադրվում են **Հայտերի** գնահատման նպատակով ստեղծված մասնագիտական փորձագիտական խորհրդին (այսուհետ՝ **Խորհուրդ**):

- 12.4. **Խորհուրդը** քննարկում և հաստատում է գիտական փորձաքննության ենթակա **Հայտերի** ցանկը:
- 12.5. **Մրցույթի** պայմաններին չհամապատասխանող **Հայտը** գիտական փորձաքննության փուլ չի անցնում, որի մասին **Համակարգի** (grants.hesc.am) միջոցով տեղեկացվում է **Խմբի ղեկավարը**:
13. Գիտական փորձաքննությունը
- 13.1. **Խորհուրդը Կոմիտեի** հետ համատեղ մշակում և հաստատում է **Հայտերի** գիտական փորձաքննության առաջին և երկրորդ փուլերի գնահատման թերթիկները և վարման ընթացակարգը:
- 13.2. Գիտական փորձաքննության առաջին փուլում **Խորհուրդը** գնահատում է **Նախագծի** ընդարձակ ամփոփագիրը, իսկ գիտական փորձաքննության երկրորդ փուլում փորձագետը և **Խորհուրդը** գնահատում են **Հայտը**:
- 13.3. **Կոմիտեի, Խորհրդի** և փորձագետների կողմից **Հայտի** բովանդակության, գիտական փորձաքննության ընթացքի և արդյունքի վերաբերյալ տեղեկությունների տրամադրումն այլ անձանց արգելվում է՝ համաձայն «Գիտական և գիտատեխնիկական փորձաքննության մասին» Հայաստանի Հանրապետության օրենքով սահմանված դրույթների:
- 14. Գիտական փորձաքննության առաջին փուլը (ընդարձակ ամփոփագրի գնահատում)**
- 14.1. Գիտական փորձաքննության առաջին փուլում **Խորհուրդը**, հաշվի առնելով **Նախագծի** ընդարձակ ամփոփագիրը (**Հավելված N 2.4**), **Խմբի** անդամների գիտական հետազոտող (track record), մասնագիտական կենսագրությունները (CV), **Գործընկերոջ** և **Կազմակերպության** համապատասխանությունը **Նախագծի** նպատակներին՝ կոնսենսուսի սկզբունքով ձևավորում է առաջին փուլը հաղթահարած **Հայտերի** ցանկը, որոնք անցնում են գիտական փորձաքննության երկրորդ փուլ:
- 14.2. Գիտական փորձաքննության առաջին փուլը չհաղթահարած **Հայտը** երկրորդ փուլ չի անցնում, որի մասին **Համակարգի** (grants.hesc.am) միջոցով տեղեկացվում է **Խմբի ղեկավարը**:

15. Գիտական փորձաքննության երկրորդ փուլը (փորձագետի գնահատում)

15.1. Գիտական փորձաքննության երկրորդ փուլում փորձագետը և **Խորհուրդը** գնահատում են **Հայտը**:

15.2. Փորձագետը գնահատում է **Հայտը**՝ հաշվի առնելով **Նախագծի**.

- գիտական և գիտատեխնիկական նորույթն ու արդիականությունը,
- իրականացման նախադրյալները, փուլերն ու ժամկետները,
- **Խմբի անդամների** ձեռքբերումները գիտական և գիտատեխնիկական գործունեության տվյալ բնագավառում, նրանց մասնագիտական որակավորումը և **Նախագծի** պատշաճ կատարման կարողությունը,
- **Գործընկերոջ** կազմակերպության հետ համագործակցության նպատակահարմարությունը,
- գիտական արդյունքների տնօրինումը և տարածումը,
- նախատեսվող արդյունքի կարևորությունը,
- ակնկալվող վերջնարդյունքի կիրառելիությունը և հետագա զարգացման հեռանկարը,
- **Մրցույթի** առանձնահատկություններից բխող այլ հարցեր:

15.3. **Հայտը** գնահատվում է առնվազն երկու փորձագետի կողմից: Որպես փորձագետ կարող է հանդես գալ նաև **Խորհրդի** անդամը:

15.4. Յուրաքանչյուր **Հայտի** համար փորձագետը լրացնում է փորձագետի գնահատման թերթիկ:

15.5. Փորձագետի առավելագույն գնահատականը **50** միավոր է:

15.6. Երկու փորձագետների գնահատականները փորձագետի առավելագույն գնահատականի 30 և ավելի տոկոսով տարբերվելու դեպքում **Հայտը** գնահատվում է երրորդ փորձագետի կողմից:

16. Գիտական փորձաքննության երկրորդ փուլը (**Խորհրդի գնահատում**)

16.1. Յուրաքանչյուր **Հայտի** համար **Խորհուրդը** լրացնում է **Խորհրդի** գնահատման թերթիկ:

16.2. **Խորհրդի** կողմից գնահատվում են.

- **Գործընկերոջ** և **Խմբի անդամների** որակավորումը և նրանց մասնագիտական համապատասխանությունը **Նախագծի** բովանդակությանը,
- միջազգային համագործակցության աստիճանը,

- **Նախագծի** իրականացման ազդեցությունը ոլորտի զարգացման վրա,
- **Նախագծի** համապատասխանությունը **Մրցույթի** նպատակներին,
- **Նախահաշվի** հիմնավորվածությունը,
- **Մրցույթի** առանձնահատկություններից բխող այլ հարցեր:

16.3. **Խորհրդի** առավելագույն գնահատականը **30** միավոր է:

17. Գնահատման արդյունքները

17.1. **Հայտի** գիտական փորձաքննության երկրորդ փուլի արդյունքում ձևավորված գնահատականը երկու փորձագետների գնահատականների միջին թվաբանականի և **խորհրդի** գնահատականի գումարն է, իսկ եթե **Հայտը** գնահատվել է երեք փորձագետի կողմից, ապա **Հայտի** գնահատականը փորձագետների՝ երկու իրար մոտ գնահատականների միջին թվաբանականի (երեք փորձագետների գնահատականների հավասար տարբերությունների դեպքում՝ երկու առավելագույն գնահատականների միջին թվաբանականի) և **խորհրդի** գնահատականի գումարն է:

17.2. **Հայտի** վերջնական գնահատականը ձևավորվում է **Մրցույթի** գիտական փորձաքննության երկրորդ փուլի արդյունքում ձևավորված գնահատականին հանելով/գումարելով **Մրցույթում Հայտի** առավելագույն գնահատականի 1-5 տոկոսի չափով միավոր՝ **Խմբի անդամների՝** նախորդ մրցույթների «Ակնկալվող արդյունքների» կատարողականի հիման վրա:

17.3. **Կոմիտեն** գիտական փորձաքննության երկրորդ փուլ անցած **Հայտերի** գնահատականների հիման վրա ձևավորում է **Հայտերի** վարկանիշային ցանկ՝ գնահատականների նվազման կարգով և ներկայացնում **խորհրդին՝** քննարկման:

17.4. **Խորհուրդը** հաստատում է **Հայտերի** գնահատականների վարկանիշային ցանկը և առաջարկում գիտական և գիտատեխնիկական գործունեության յուրաքանչյուր բնագավառի շեմային գնահատականը:

17.5. **Կոմիտեն**, ելնելով Հայաստանի Հանրապետության պետական բյուջեի համապատասխան հատկացումների չափից, որոշում է գիտական և գիտատեխնիկական գործունեության յուրաքանչյուր բնագավառի շեմային գնահատականը և **Նախարարի** հաստատմանն է ներկայացնում ֆինանսավորման երաշխավորված **Հայտերի** ցանկը, **Խմբերի ղեկավարների** ցուցակը և

յուրաքանչյուր **Նախագծի** իրականացման համար նախատեսվող ֆինանսավորման չափը:

- 17.6. **Նախարարի** հրամանով հաստատվում է ֆինանսավորման երաշխավորված **Հայտերի** ցանկը, **Խմբերի ղեկավարների** ցուցակը և յուրաքանչյուր **Նախագծի** իրականացման համար նախատեսվող ֆինանսավորման չափը:
- 17.7. **Մրցույթի** արդյունքները հրապարակվում են **Կոմիտեի** պաշտոնական կայքում:
- 17.8. **Կոմիտեն Կազմակերպության** ղեկավարին տրամադրում է տեղեկություններ՝ տվյալ **Կազմակերպությունից Մրցույթի** շահառու **Հայտերի** վերաբերյալ:
- 17.9. **Կոմիտեն Համակարգի** (grants.hesc.am) միջոցով **Խմբի ղեկավարին** տրամադրում է **Հայտի** փորձաքննության արդյունքները և անցողիկ շեմային գնահատականը:

IV. ԱՅԼ ԴՐՈՒՅԹՆԵՐ

18. Պայմանագրերի կնքումը

- 18.1. **Կոմիտեի, Կազմակերպության և Խմբի ղեկավարի** միջև կնքվում է **Համակարգում** ինքնաշխատ եղանակով կազմված **Պայմանագիր**:
- 18.2. **Խմբի անդամների** ամսական վարձատրությունն ապահովելու համար, Հայաստանի Հանրապետության «Քաղաքացիական օրենսգրքով» սահմանված կարգով կնքվում են պայմանագրեր.
 - **Կազմակերպության և Խմբի ղեկավարի** միջև,
 - **Կազմակերպության, Խմբի ղեկավարի** և կատարողի միջև:Վերոնշյալ պայմանագրերի պատճենները **Կազմակերպության** ներկայացուցիչը (գիտական քարտուղար կամ այլ պատասխանատու անձ) ներկայացնում է **Կոմիտե**:
- 18.3. **Պայմանագրերը** կնքվում են **Մրցույթի** արդյունքները հրապարակելուց հետո՝ 10-օրյա ժամկետում:
- 18.4. **Նախագծերը** իրականացվում են **Պայմանագրում** նշված ժամկետներում:

19. Հաշվետվությունը

- 19.1. **Նախագծի** իրականացման մասին կազմվում են ընթացիկ և ամփոփիչ հաշվետվություններ: Վերջիններս, սահմանված ժամկետներում, **Կոմիտե** են ներկայացվում **Խմբի ղեկավարի** կողմից՝ **Համակարգի** (grants.hesc.am) միջոցով: Հաշվետվությունների հիման վրա **Խորհուրդը** տալիս է եզրակացություն՝

Նախագծի ֆինանսավորումը շարունակելու նպատակահարմարության կամ ամփոփիչ հաշվետվությունն ընդունելու մասին:

- 19.2. Գիտության համակարգի գործունեության որակի և արդյունավետության գնահատման նպատակով, սահմանված կարգով, **Կոմիտեն** կարող է իրականացնել **Նախագծի** ընթացիկ մշտադիտարկում և արդյունքները ներկայացնել **Խորհրդին**:
- 19.3. **Նախագծի** ֆինանսավորումը շարունակելու նպատակահարմարության մասին եզրակացություն տալիս՝ **Խորհուրդը** պետք է հաշվի առնի նաև **Կոմիտեի** իրականացրած մշտադիտարկման արդյունքները:
- 19.4. Ընթացիկ հաշվետվությունը սահմանված ժամկետում չներկայացնելու դեպքում **Նախագծի** հետագա ֆինանսավորումը կարող է դադարեցվել:
- 19.5. Ֆինանսավորման երաշխավորված **Նախագծի** անտացիան և այնուհետև հաշվետվությունը **Կոմիտեն** կարող է հրապարակել տպագիր կամ էլեկտրոնային եղանակով:

20. Լրացուցիչ տեղեկություններ

- 20.1. Մտավոր սեփականության հեղինակային կամ արտոնագրային իրավունքի օբյեկտ հանդիսացող նյութեր պարունակող **Նախագիծ** և այնուհետև հաշվետվություն ներկայացնելու դեպքում **Խմբի ղեկավարը** պետք է առաջնորդվի «Հեղինակային իրավունքի և հարակից իրավունքների մասին» և «Գյուտերի, օգտակար մոդելների և արդյունաբերական նմուշների մասին» Հայաստանի Հանրապետության օրենքներով սահմանված դրույթներով:
- 20.2. **Խմբի ղեկավարը** կարող է դիմել **Կոմիտե Պայմանագրի** նախահաշվի «Այլ ծախսեր» հոդվածի ենթահոդվածներով տվյալ տարվա համար նախատեսված ծախսերի վերաբաշխում կատարելու միջնորդությամբ՝ ներկայացնելով համապատասխան ձևաթղթով հիմնավորում և ստանալով **Կոմիտեի** գրավոր համաձայնությունը: Վերաբաշխում կատարելու դեպքում **Կոմիտե** է ներկայացվում **Պայմանագրի** նախահաշվի փոփոխված տարբերակը:
- 20.3. **Խմբի ղեկավարի** կողմից իր պարտականությունների կատարման անհնարինության դեպքում **Կազմակերպության** ղեկավարի միջնորդությամբ, **Կազմակերպության** գիտական խորհրդի և **Խմբի** կատարողների համաձայնությամբ, **Կոմիտեի** գրավոր թույլտվությամբ կարելի է կատարել **Խմբի**

ղեկավարի փոփոխություն: **Խմբի ղեկավարի** փոփոխության դեպքում կնքվում է **Պայմանագրի** անբաժանելի մաս կազմող համաձայնագիր, որով **Խմբի** նոր **ղեկավարը** պարտավորվում է **Նախագիծը** իրականացնել համաձայն **Պայմանագրի**:

- 20.4. **Խմբի ղեկավարը** կարող է դիմել **Կոմիտե Խմբի** կատարողի կամ **Գործընկերոջ** համարժեք փոփոխություն կատարելու միջնորդությամբ՝ ներկայացնելով համապատասխան ձևաթղթով հիմնավորում և ստանալով **Կոմիտեի** գրավոր համաձայնությունը: **Խմբի** կատարողի փոփոխություն կատարելու դեպքում **Կոմիտե** է ներկայացվում նոր կատարողի հետ կնքված պայմանագրի (համաձայնագրի) պատճենը:
- 20.5. **Խմբի ղեկավարը** կարող է դիմել **Կոմիտե**՝ կատարողների թիվը մեկով կրճատելու (եթե 3 անդամից բաղկացած խումբ չէ) միջնորդությամբ՝ ներկայացնելով համապատասխան հիմնավորում: Կատարողների թվի կրճատման դեպքում կնքվում է **Պայմանագրի** անբաժանելի մաս կազմող համաձայնագիր, որով ամրագրվում է **Պայմանագրի** գնի փոփոխությունը:
- 20.6. **Խմբի** կատարողի կողմից իր պարտականությունների կատարման անհնարինության դեպքում, մինչև **Խմբում** նոր կատարող ընդգրկելը, **Խմբի ղեկավարը** կարող է դիմել **Կոմիտե**՝ տվյալ կատարողի աշխատանքի վարձատրությունը մինչև երեք ամիս տևողությամբ դադարեցնելու միջնորդությամբ՝ ներկայացնելով համապատասխան հիմնավորում: Եռամսյա ժամկետում կատարող չընդգրկելու դեպքում կատարողների թիվը կրճատվում է մեկով (եթե 3 անդամից բաղկացած խումբ չէ) և կնքվում է **Պայմանագրի** անբաժանելի մաս կազմող համաձայնագիր, որով ամրագրվում է **Պայմանագրի** գնի (ներառյալ երեք ամսվա աշխատանքի վարձատրության գումարը) փոփոխությունը:
- 20.7. **Խմբի անդամների**՝ Հայաստանի Հանրապետությունից երկու ամսից ավելի բացակայելով հանդերձ **Նախագծում** աշխատանքները շարունակելու համար դեպքերը պետք է նախապես գրավոր համաձայնեցնել **Կոմիտեի** հետ:

21. Նախագծի ֆինանսավորման դադարեցումը

Կոմիտեն կարող է դադարեցնել **Նախագծի** ֆինանսավորումը, եթե.

- սահմանված կարգով և ժամկետում չի ներկայացվել համապատասխան հաշվետվություն կամ հաշվետվության վերաբերյալ **Խորհրդի** կողմից տրվել է բացասական եզրակացություն,
- առանց **Կոմիտեի** գրավոր համաձայնության **Նախահաշվի** «Այլ ծախսեր» հոդվածում կատարվել է վերաբաշխում,
- առանց **Կոմիտեի** գրավոր համաձայնության **Խմբի** կազմում կատարվել է **Խմբի անդամներից** որևէ մեկի փոփոխություն,
- առանց **Կոմիտեի** գրավոր համաձայնության **Խմբի անդամներից** որևէ մեկը **Նախագծում** աշխատանքները շարունակել է՝ Հայաստանի Հանրապետությունից երկու ամսից ավելի բացակայելով հանդերձ:

ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ԲՆԱԳԱՎԱՌՆԵՐԸ ԵՎ ՄԱՍՆԱԳԻՏՈՒԹՅՈՒՆՆԵՐԸ՝ ՀԱՄԱՊԱՏԱՍԽԱՆ ԴԱՍԻՉՆԵՐՈՎ

1. ԲՆԱԿԱՆ ԳԻՏՈՒԹՅՈՒՆՆԵՐ

- 1.1. Մաթեմատիկա
- 1.2. Ինֆորմատիկա և համակարգչային գիտություններ
- 1.3. Ֆիզիկա և աստղագիտություն
- 1.4. Քիմիա
- 1.5. Երկրի մասին և դրան հարակից բնապահպանակ գիտություններ
- 1.6. Կենսաբանական գիտություններ

2. ՃԱՐՏԱՐԱԳԻՏՈՒԹՅՈՒՆ ԵՎ ՏԵԽՆՈԼՈԳԻԱ

- 2.1. Քաղաքաշինություն և ճարտարապետություն
- 2.2. Էլեկտրատեխնիկա, էլեկտրոնիկա, էներգետիկա, համակարգչային և տեղեկատվական տեխնոլոգիաներ
- 2.3. Մեխանիկա
- 2.4. Մեքենագիտություն և մեքենաշինություն
- 2.5. Քիմիական տեխնոլոգիաներ
- 2.6. Նյութագիտություն
- 2.7. Բժշկական սարքաշինություն
- 2.8. Էկոլոգիա
- 2.9. Կենսատեխնոլոգիա
- 2.10. Նանոտեխնոլոգիա

3. ԲԺՇԿԱԿԱՆ ԳԻՏՈՒԹՅՈՒՆՆԵՐ

- 3.1. Ընդհանուր բժշկություն
- 3.2. Կլինիկական բժշկություն
- 3.3. Բժշկական կենսատեխնոլոգիա

4. ԳՅՈՒՂԱՏՆՏԵՍԱԿԱՆ ԳԻՏՈՒԹՅՈՒՆՆԵՐ

- 4.1. Անասնաբուծություն, անասնաբուժություն
- 4.2. Բուսաբուծություն
- 4.3. Հողագիտություն, ագրոքիմիա, բույսերի պաշտպանություն
- 4.4. Գյուղատնտեսական կենսատեխնոլոգիա

5. ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐ

- 5.1. Հոգեբանություն
- 5.2. Տնտեսագիտություն և գործարարություն
- 5.3. Մանկավարժական գիտություններ
- 5.4. Սոցիոլոգիա
- 5.5. Իրավունք
- 5.6. Քաղաքական գիտություններ
- 5.7. Սոցիալական և տնտեսական աշխարհագրությ
- 5.8. Զանգվածային լրատվություն և հաղորդակցություն

6. ՀԱՅԱԳԻՏՈՒԹՅՈՒՆ ԵՎ ՀՈՒՄԱՆԻՏԱՐ ԳԻՏՈՒԹՅՈՒՆՆԵՐ

- 6.1. Պատմություն, հնագիտություն
- 6.2. Լեզվագիտություն, գրականագիտություն
- 6.3. Փիլիսոփայություն, էթիկա
- 6.4. Աստվածաբանություն, կրոնագիտություն
- 6.5. Արվեստագիտություն

ՆԱԽԱԳԻԾ

Ներկայացնել հայերեն և անգլերեն, յուրաքանչյուրը մինչև 12 էջ՝ ներառյալ գրաֆիկները, գծագրերը, լուսանկարները և գրականության ցանկը.

1. Ամփոփագիր

2. Արդի վիճակի վերլուծություն

3. Նախագծի գիտական նպատակները և խնդիրները

4. Հետազոտական նախագիծը (մինչև 5 էջ)

5. Իրականացման եղանակները (իրականացման մեթոդաբանություն)

6. Օրացուցային պլան (ըստ եռամսյակների)

7. Տվյալ ուղղությամբ խմբի ունեցած ձեռքբերումները, առկա և անհրաժեշտ նյութական ռեսուրսները

8. Գործընկերոջ գործառույթները և Նախագծի իրականացման փուլերում ներգրավվածության շրջանակը, այլ համագործակցություններ (նպատակահարմարությունը և ակնկալվող արդյունքները)

9. Ակնկալվող արդյունքների քանակական և որակական ցուցանիշները

(իրապարակումներ, գիտաժողովներ, նորարարական կարողության կիրառություն (տեխնոլոգիական ներդրում, ցուցադրում, փորձնական նմուշ, նախատիպ և այլն), մտավոր սեփականության տնօրինում (արտոնագիր, հեղինակային իրավունք և այլն))

10. Օգտագործված գրականության ցանկը

N _____

«_____» _____ 2024 թ.

ԲԱՐՁՐԱԳՈՒՅՆ ԿՐԹՈՒԹՅԱՆ ԵՎ
ԳԻՏՈՒԹՅԱՆ ԿՈՄԻՏԵԻ ՆԱԽԱԳԱՀ
ՊԱՐՈՆ ՍԱՐԳԻՍ ՀԱՅՈՑՅԱՆԻՆ

Հարգելի՛ պարոն Հայրոյան,

Խնդրում եմ ընդունել «Գիտական արդյունավետության խթանման դրամաշնորհային ծրագիր - 2025» մրցույթին ___(Կազմակերպության անվանում)_ից ներկայացված _____ ծածկագր(եր)ով հայտ(եր)ը:

Կազմակերպության ղեկավար՝ _____

(ստորագրություն)

_____ (անուն, ազգանուն)

* Հավելված N 2.3-ով առաջարկվող տեքստը ներկայացնել կազմակերպության ձևաթղթով:

Նախագծի վերնագիրը

Ընդարձակ ամփոփագիրը

Ընդարձակ ամփոփագիրը գնահատվում է գիտական փորձաքննության առաջին փուլում: Այն պետք է ներկայացնել հայերեն և անգլերեն, յուրաքանչյուրը մինչև 2 էջ:

Ընդարձակ ամփոփագիրը պետք է լինի **Նախագծի** հակիրճ տարբերակը և շեշտադրի հետազոտության կարևորությունն ու նպատակահարմարությունը: